

鳴

玉

堂

稿

鳴玉堂稿序

余讀會稽志覽八山四明之秀則以陽

豈

紛葩瓌麗能專之哉又讀列傳仰王沈虞賀之英則知翩翩文學在古稱之矣况標陽德蔚時望傲睨數子如內山公乎始余辛亥之春從司馬曹辱交誼于公也見公屹自樹立無嬖阿態余私語人曰此其抗直道者與又見公振藻藝林凌厲頓挫右氣槩驤漢魏而宋元之萎薈不趾焉余又私語人曰此其文似其行者與又十有三年會公於滇滇萬里遐服余居之宜豈公以直道觸忌網亦驅

車而至。未居嘗請益。獲示全稿。知人所得。又不但
余昔所知已也。斯乃觸情于窮途幽閣之怨結。念
乎長劍危冠之侶。清思逸調。泉湧綺張。上乘之妙
悟。茲其選也。若祝

萬年

頌白鹿。惻惻款款。視天保岡陵之雅有光焉。方之
芹曝忠。或過之。薦紳大夫與公交者。莫不贈岐有
言。則又前著之笑。民瘼之憂。靡盬之懷。簡書之畏。
激烈慷慨。往往感人。曰錫我百朋云。或以敝帚享
金。詆自賢之謬。流連光景。哈作者之勤。而公豈其

較乎公躋久矣異日者由其直道抒其天倪薦聲
詩揚典策文學裨於翊贊功業副於初心將愈所
謂嗚乎其善鳴者與又所謂和其聲以鳴國家之
盛者與曷徵于鳳鳥乎而節節而足足發明保章
之響豈與鶡鳴接翼比音哉固翔阿閣而儀盛世
也斷斷矣其不佞願傾耳以竢之

嘉靖甲子秋七月朔

雲南布政使司右布政使前奉
勅提督學校奉新宋國華撰

鳴玉堂稿序

鳴玉堂稿者內山張先生所著也往

肅皇帝朝先生與家大人官司馬署中交甚驩各
出其子之文先生最竒余而家大人于長公子蓋
稱服不休已而交相慶也後戊午先生以儀制郎
視學吾楚不穀得出其門是年長公舉于鄉未幾
魁天下典太史而不穀奔走于江淮巴蜀之間先
生沒數年而始讀其遺文太史寓書命余校而序
之且云先生遺意也因捐俸付山陽尹魯文叔刻
焉憶侍先生時先生嘗謂文章之妙與化工等作

者寄身于翰墨見意于篇籍不託飛馳之勢而名溢縹囊天壤俱敝今人慕秦漢者曰班馬宗盛唐者曰李杜大都詞合而實離象人而用之恨生氣少耳文如歐曾詩如錢劉皆有辭于永世者也古人賤尺璧而重寸陰願吾子懋之今先生之言在耳而莊誦先生之文庀才于西京而雍容俯仰義理自勝類永叔根極于六代而奔放環偉咸中矩矧類子固至歌行跌宕類太白少陵者十之三近體清宛類仲文長卿者十之七人亦有言奏議宜雅書論宜理銘誄尚實詩賦欲麗此四科不同故

能之者偏也。惟通才能備。乃先生非通才耶。始先生舉進士時入典

制誥。一時館閣諸老咸器重之。先生又留心當時之務。宜剖符丹書。勒銘鼎鉉。厯厯以造士顯。及左遷滇南。虜酋弗靖。先生監軍。有平定功。會遷甘肅。行太僕卿。忌者不察。從而齟齬之。復逮對滇中。幸滇人代先生對甚悉。而先生遂歸老于鏡湖之曲矣。每讀太史上

今皇帝復先生原職疏及大冢宰趙公墓銘。大司馬呂公墓碑。未嘗不俛而深惟仰而泣交頤也。不

有太史烏知天之所以報先生者昌而太乎昔李
獻吉評楊應寧之集喬景叔作何仲默之傳咸以
門人廣其師說藝林侈爲盛事不穀無能爲先生
役稍敘其槩將以告天下後世定先生之言者
明萬曆庚辰春日漢上門人陳文燭撰

鳴玉堂稿目錄

卷之一序類

湖廣鄉試錄序

浙江鄉試錄序

雲南鄉試錄序

江西武舉錄序

湖廣同年世講錄後序

重修孔氏譜序

孫氏文獻集序

皇輿考序

刻越詠序

楚省志敘

山陰志敘

地里括要後序

刻四書正傳選義引

重刻近思齋引

東山耕讀圖序

海嶽奇觀圖序

楊侯復山平糶序

刻紀瑞錄序

倡義錄敘

皆山堂稿敘

侯得原稿續刻

卷之二序類

送大中丞近山傅公提督操江序

贈東原謝公擢山東憲長序

贈小海馮公叅政廣東序

贈安山周公擢四川叅議序

贈鄧山章公叅政四川序

送兵憲井居成公之臨清序

贈少郭雷公憲使浙江序

贈方伯近山傳公入 覲序

贈憲伯是堂俞公入 覲序

贈松屏謝公叅政廣東序

贈郡憲濬濱張公應 召序

贈喻齋李邑侯應 召序

贈憲伯游公讓溪莊憲臺序

贈少叅伯忠庵柳公序

赤城僊客序 味菜序

送深上人住持天衣寺序

卷之三序類

賀南明諸公五十序

奉祝師相存翁徐公六十序

壽中丞東泉鄔公六十序

郭封君榮壽錄叙

古田王公七十序

吳翁八十序

聶母張太安人八十序

姜母朱孺人七十序

趙母傅安人七十序

卷之四記類

南鎮感應碑陰記

會稽縣新造河船記

趙州學新鑿泮池記

翠微堂記

霖雨亭記

茶陵三學士祠記

擬泰微廟碑

靖州忠節祠碑

嘉定縣築城記

山陰縣儒學博士題名記

山陰縣重建廊宇碑記

郡恒紀事

武定郡貳鄧君碑

鏡波館記

卷之五文類

祭楚王妃文

祭少司空選齋徐年兄文

祭徐先生文

祭郝箕南文

祭韶巖宋叅議文

祭楊細林文

祭王方伯文

祭寶峰陸儀部文

祭王亳州文

祭國博王十山先生文

祭白洛原司丞文

祭外父東山翁文

祭外山羅公文

祭趙太孺人文

祭孫太夫人文

祭殷太夫人文

祭王龍谿夫人文

祭吳川樓夫人文

祭徐安人文

卷之六狀類

魚山郭先生行狀

總督陝西三邊軍務太子太保光祿大夫兵

部尚書兼都察院右僉都御史石岡王公

行狀

封承德郎刑部貴州清吏司主事海濱章公

安人何氏行狀

吳太孺人張氏行狀

處士竹莊先生朱公安人徐氏合葬墓碑

卷之七 銘類

封中憲大夫都察院右僉都御史逸菴楊公

配贈安人陸氏合葬墓誌銘

醒心徐公孺人吳氏合葬墓誌銘

鎮守遼東總兵贈少保左都督特進榮祿大

夫殷公墓誌銘

太學生娛竹錢君配孺人葉氏合葬墓誌銘

登仕郎見山婁公孺人趙氏合塋墓誌銘
明故廣齋居士朱公配孺人周氏合塋墓誌

銘

魯府典膳俞君墓誌銘

朱孺人顧氏墓誌銘

勅封安人包氏墓誌銘

孫母吳氏富孺人墓誌銘

誥封淑人史母范氏墓誌銘

傳贊類

徐先生傳

張壚山先生像贊

蓬萊圖自贊

卷之八頌表類

白鹿頌

嘉瓜頌

賀瑞穀表

賀瑞雪表

賀萬壽表

賀冬至表

代聶司馬謝閑任表

代崇信伯費坤謝表

代定遠侯鄧祖錫謝表

代撫臺謝表

露布類

遙拜授首露布

帳詞類

送郡伯沈公入覲兼考最帳詞

賀督府石公陞戶侍帳詞

啓類

撫按三司迎景殿下啓

賀李相公初生孫請啓

賀撫臺生辰啓

督府生辰啓

禮書吳公加太子太保請到任啓

禮侍袁公加太子賓客兼翰學請到任啓

賀總鎮元旦啓

新正賀巡院啓

賀撫治劉公陞大理卿啓

賀督府石公陞戶侍啓

撫臺陳公希齋還政啓

餞代巡吳公瓜代啓
謝元老啓

卷之九 疏類

題請二王賀萬壽疏

覆勅諭東南有司疏

題正文體咨

三殿災後請乞脩省疏

覆議殿名疏

覆裁冗濫疏

叅覆徽藩疏

叅覆徽藩第二疏

徽藩管理府事疏

覆禁革奢靡疏

釋放高牆疏

覆傳諭日本疏

畏兀乞貢咨

覆哈密乞請疏

代沈夫人奏乞疏

卷之十雜著類

識 御製文軸後

碧雞山滇海廓清碑題名

跋蘇長公墨竹

跋莫山人越遊紀

書何石湖卷後

跋皆山堂記後

題平南古渡坊

友盟

忤兒字說

修築運河塘路募緣疏

湯侯祠龐侯祠二太守祠功德疏

卷之十一詩類

五言古

送別少湖徐宗師

題玉溪卷

題爐峰卷

送是堂俞貳守

貞婦篇為抱璞馬母賦

送彭紹坪郡伯入覲

有序

蟠桃篇

高山操

有序

春日同霍二梧吳定泉趙裕菴燕集纓泉年

丈龍門草堂四首

越望亭夜酌分韻得璧字

七言古

送友人從軍

題林侍御五蝠歸尊圖

壽烏石吳憲伯崑崙歌

雙清堂歌贈孫隣竹隣桂二昆玉

讌別行送須野張公之南都正政時人日夜

集朱子文石徐子望湖王子分源郭子兩
峰同在坐感遇戀分滂有此賦

醉翁歌

寄湘溪鄭給諫

嘉瓜篇贈會稽楊侯 盧生歌

江亭歌送別駕熊君擢守黔南姚郡

子規 赴滇作

岐山歌贈四明唐子

五言律

送儀部泉厓聶君解官還永豐三首

送趙兵巡之東莞 送縣幕鍾子赴惠安

送趙思渚赴進賢二首

秋懷

送縣幕王子赴固始

馬孟河檢討使東藩

吳悟齋給諫使琉球

送李養虛明府二首

題璜溪書室

靈雪應制

元夕應制

挽葛兩溪大卿

宿潮別秦左橋

送王鳳洲淮陽慮囚

貴竹道中

碧雲偶憇贈悅菴上人

倚劒亭成晚邀何賓巖年丈讌坐

歸鶴和聶司馬韻

送尤省丈廻溪僉憲嶺南

送周清泉致仕歸瑞安

卷之十二詩類

七言律

送郭少府之溧陽

送僊臺李太守之越

宋德卿拜官楚邸

王東岑太史使益藩

吳後菴太史使周唐二藩

王龍峰給諫使岷

梁鳴泉給諫使代

李葵陽中舍使荆二首

王給事使晉

送友人幕縣

鏡湖徐年丈尹武平、田祠祭叅廣南

成東池拜除還越 宋韶巖省丈叅湖藩

趙莛城省丈憲蜀 吳悟齋給諫使琉球

李大行使琉球

過磁州贈周芝山年丈

歸鶴為聶司馬賦 壽張復菴翁母雙壽

張貞母 送友人幕吉安

贈譚子

題梅花小軸奉贈王郡憲繼津便邀過敘草

堂

雲門晚歸和是堂俞公祖韻

送林雙臺省丈督學湖南

壽筠坡王君六十

吳封君八十膺壽典

題具慶承恩

壽周清泉

還自零陵用前韻

還自五溪過岳陽訪崔月潭不遇

宿宜城郵館次章鄧山韻兼寄懷

玉虛巖紀事

九日登太和宮

送張濬濱郡憲應召

和張弘齋愧綠堂韻

龍里道中值長至寄楊朋石

壽馬白峰太守六十 癸亥冬過子陵臺

九疑吊舜廟

桃川萬壽宮

桃源洞

宿辰陽江館

醴陵道中晚晴

曉霽發白石岡

送潘少府擢佐淮藩

盤江河瘴雨

疊水

平南古渡

流霞閣和青藤道人韻二首

送黃毅所之留都憲部二首

雪夜訪大司馬沃洲呂公席上漫賦

招何賓巖年丈卧龍卜隣

寄紫山劉中丞

寄南明諸宗伯

贈麟陽趙大理

送友人會試二首

悼王中丞思賢

熊別駕進龍衣

聞兒忤廷魁報漫賦志喜

寄懷石汀殷開府

明農軒

題青牛老子圖壽金龍崖六十

王貳守生朝

和張壚山開府寄懷韻

壽龔四泉八十

別鄭廣文羅山

排律

贈廷尉疊厓趙君解官還東歐

送姜太史使楚

送劉少府

送友人惠州營門幕

送章生上高簿

送鄧山章公之西川

送汪暘谷分教鳳陽

鏡水留春圖詠

有序

五言絕

題小景四首贈郡憲王繼津年丈

題送楊令君圖冊

七言絕

丁酉春日江行有感

送沈子遊南粵

鄭學博擢楚藩少傅寄懷武岡王

瑞雪應禱應制

贈前峰葉鑒士

贈孫松菴

題畫

送周清泉致仕歸瑞安

壽歸翁六十

書常礪山都閭卷

彭城舟中和謝公韻無憶故山社友

戊午夏過徽庶人池館燕坐二首

巴陵晚泊

登衡山陰雨忽開紀事二絕

關嶺

過桃源觀有感二首

貴陽道中雜公詩

宿土官巡司

賀王貳守生子

詞類

點絳脣

鳴玉堂稿目錄終

鳴玉堂稿卷之一

明甘肅行太僕寺卿前湖廣督學副使山陰張天復著翰林院修撰不肖



山東左叅政門人陳文燭選擇

序類

湖廣鄉試錄序

皇上臨御之三十七年，是為嘉靖戊午，屬歲大比，先是

上用言官議，特命禮官申勅諸省監臨及督

學之臣，慎校試以登選。維時御史吳某實奉命按部楚中，楚

聖天子龍飛之地壽考作人既垂四紀士烝烝鸞
庸御史仰承德意綱紀文教維豫於是檄左布
政使某為提調官按察使某為監試官飭簾以外
事而簾以內則某偕某官某被聘為考試官某官
某某充同考試官既至各以所授之經分局事事
已而群提學副使某所校士三千三百人三試之
得九十人錄其名氏併其文之尤者以獻某以職
事宜序諸首竊惟地靈王化世難間值是故豐鎬
之盛萬世頌之不衰五嶽惟衡山當文明之位萃
律南服九江合流洞庭孔殷翕會沱潛吞吐雲夢

山川淑氣磅礴而鬱積焉。發舒靈秘，久且益滋。不特珎錯之產，列諸禹貢者為楚之奇已。鴻頌瓌璋，蔚為人文，名世之彥。後先炳琅簡冊，可稽也。然自周南以降，春秋秦漢之士，其能庶幾中林兔罍者，亦僅僅焉爾矣。此無他，去聖人之居彌遠也。仰惟昭代重熙累洽，幾二百年，而光嶽完嘉篤生上聖於茲。江漢應瑞，握圖繼

天立極，弘制作以張治教。隆禮樂以陶海宇，而於首善之域，每睠睠焉。是故賢雋輩興，翼時宣力，黼黻朝宇，躍然遠邇，謳頌

明聖豐鎬之化者蓋踰於周南也。猗與休哉茲非
地靈王化適千載間值之會哉。士幸生其間而觀
摩薰育其化視秦晉吳蜀傾豷風聲者有間矣。茲
當觀光之候可無自效如兔罝中林之士腹心王
室者耶。夫荆楚之利丹銀齒革而包匭菁茅特重
其薦者以其供郊廟而交鬼神也。士且登書

天府服官沐寵亦如包匭菁茅薦而登用之矣。而
迄無自効乃自後於周南兔罝之士顧不與地靈
王化兩負耶。雖然尚願有告焉。夫豫章梗枿梁棟
明堂者其植根碩好故敷榮而品殊材閱千百年

用始大也。項者，明堂肇建爰勑重臣徵材于楚，非以豫章梗柟為楚產所積耶？某嘗詢之工師，瓌竒之品，靈根稍蠹，則雖連拱之幹，易摧也。爾多士鬱盤獨秀，含竒握琬，何異豫章梗柟之生於崇山沃壤者耶？沐浴膏澤，漸漬彌深，又何異豫章梗柟之封殖碩好，昂霄而聳壑者耶？為爾主司者，固以梁棟明堂，厚望爾矣。而爾或船自菲薄，自爽桀桀，蠹根而徒榮其表焉。是貢豫章而雜以櫟，楮也。則雖能辭訓如射父，倚相，擅賦頌如宋玉，景差，亦枝葉之蕃而本實不足多也。祇惟春秋秦漢之雄。

而即所樹立卒不免為兔罝中林所羞矣其何以
庶幾周召榮畢以仰荅豐鎬壽考作人之盛渥哉
於乎夫若是信為有負地靈王化者矣此固其所
深懼而重為爾多士惓惓也是役也協贊經畫則
某官某某分理防護則某官某敦教始事則提學
副使今敘遷某新代未至攝理分校則某官某先
期入賀校理有裨則某官某皆前後勤事以相
厥成者也若侍郎某某宣猷惇德文風聿興若巡
撫都御史某某陳常造士章縫丕振皆率先報事
以倡賓興者也若總兵官某某崇儒右文士類咸

穆若工部郎中某某奉使彙至推獎雋髦皆祇事
樂成以光盛典者也於法咸得書不敢逸焉

浙江鄉試錄序

是歲庚午天下復當大比

皇上龍飛舉士於鄉於是凡二科矣士幸覩聖作
再際賓興之期莫不忻忻焉驤首景附以待時巡
按浙江監察御史某實監臨之要束維謹先期走
幣徵四方文學典校其藝至則以某某為考試官
某某某為同考試官各因所授經分局事事又
慎簡簾以外諸執事提調則左布政使某左右叅

政某某參議某某監試則按察使某副使某僉事
某凡所筦鑰胥筵且周矣於是群前提學副使某
與今署提學副使某所校士三千七百有奇進而
試之者三錄其中程者九十人并鐫其文與氏名
以獻遵制也錄既竣蓋凡預棘院者始會于堂多
士亦雲從以進彬彬焉斷斷焉有足觀也僉躍然
喜曰良哉選也斯可以慶矣然豈直為有司慶哉
下為多士慶上為

天子慶焉耳某竊聞之士之起巖穴也莫不欲展
其才獻于

天子而輒患于遭逢之不數鮮知己者為之先容
爾多士皆幸生于瓌簾之區煦育漸陶于熙皞之
朝而適逢

明聖之主自臨御以來幸辟雍以恢儒下徵車以
搜廢頒詔檄以風士虛已右文敦厲海宇盖唐堯
之訪衢室周文之詠作人其時也不可謂非遭逢
矣考藝而登進之亦不可謂無知己者為先容矣
士於是時能無如元愷夔龍奮庸堯廷菁莪棫樸
楨幹姬室者乎林高而鳶集川濶而鱗潛物猶知
所趨也士邁運而興有弗知趨焉者乎某固謂為

多士慶者此也。至於上之欲得士也，何獨不然？陷之如渴，進之如不及，亦欲展其才，與共安利之而已矣。而終格於知人之艱，遇賢士之不數也。

皇上闢門下，采收南金、東箭，悉舉而進之于庭。先四方之琛，陳之陛石之下；其大者取之以弘範世模，遠中標的。珪璋清廟，柱石巖廊，其他隨器與幹而取，適於用，均足以充位備列，展采錯事，隨所使而無弗當。蓋求之甚勞而收其享也甚逸，其固謂為

天子慶者此也。雖然，其於是殆猶有深懼焉。岐可

以南可以止絲可以染而蒼黃橘嘉實也踰江而
為枳皆倏焉而殊也士繇此而進竟所至弗殊也
是可慶也其殊也是則某之所謂懼也頃者執多
士之文讀之率誦說孔氏談先王根極理要莫不
炳炳乎有足據也然而所據者言也異日者範其
模中其的適用於其器與幹珪璋柱石展采錯事
匪言也行之實也能保其弗南北蒼黃枳而棘焉
者乎是則某之所謂懼也夫敷言掄材禮而賓之
國之經也升之以藝術而核之以德行上之紀也
感遇而圖稱下之分也鹿鳴不云乎吹笙鼓簧承

筐是將示優崇者至矣德音孔昭視民不忒示敦
軌者嚴矣又曰人之好我示我周行冀報塞者亦
云殷矣士於是作而益奮慎則倣之桀肆周道之
猷圖靖共之報以矢荅工歌之音慎厥終惟其始
夫然後足為上下交慶焉爾矣若曰姑資空文以
媒進云爾行且貶所聞背而馳之為主司者且將
有不明之罰天下亦指而數之曰是某所舉士也
慙莫甚焉則某等又安能以無懼乎詩曰伐柯伐
柯其則不遠願多士其自圖之是舉也總督巡撫
左副都御史今 簡召兵部右侍郎谷某宣猷奠

邦久清海服、陳常作士、章縫攸思、提督軍務巡撫
右副都御史熊某、簡渥聿新、趨程維恪、文武為
憲、聲教蔚揚、巡鹽監察御史某、憲度貞肅、阜下剡
弊、海徼綏宴、菁莪樂育、若使事茲土、樂觀厥成、則
戶部主事某、工部主事某某、部某官某、於外經畫
則布政使某、叅政某、叅議某、副使僉事某某、防範
則都指揮某某、咸與有祇事之勞焉、法當備書、爰
并敘首簡、

雲南鄉試錄序

聖天子御極四十有三年、為嘉靖甲子、乃秋八月、

制當舉士與計偕。維時御史王某被命按雲南。奉詔申飭令甲令督學之臣嚴簡核毋俾鈞棘靡薄之士。濫晉列棘。以易風雅。庚午朔士既集會省咸驤首景附以待。而四方文學亦既徵聘如期彙至。乃以某某司考試某某同考試分經造局各事。事提調則某某監試則某某及諸司之望實稱者充百執事。而御史某實監臨之。矢誠要束蓋至嚴已。諸大夫文學仰承德意無弗洒然易慮者。戊寅鑰院合提學副使某所取士一千有奇。三試之。遵制錄儁四十人并其文以獻。某以濫典

藝衡既遍覽焉其言雖人人殊類誦法孔子而綜百氏恢闡

皇猷談當世之理彬彬然可齒於經術之林矣爰序而嘆曰郁乎都哉斯

皇澤之彌洽也夫滇古稱徼外荒裔三五之隆聲教靡及西京之力盛唐之威有弗能馴也衣裳之治視函夏逖哉遠矣比南中既收六詔內屬風氣所漸擬於中州而靡莫之談與雕題椎魯之習猶故也犀象齒革文羽珉貝之貢匪若南金東箭可以備充庭也士當是時欲矯首上都以抒平生

得乎斯其難在遭時矣貞元休淑歷數千百年而
始姤會適發

聖王之化流行汪濊亦如二南自近及遠然後淪
浹周于四履矣於休盛哉非爾滇士之至幸至幸
哉粵昔

聖祖拓疆於初弓戈既戢文教甫開也
咸祖續緒置科興學沿及

孝

武之世而鴻生鉅工烝烝起矣肆我

皇上握符凝命建極御圖道備君師治弘

祖烈初命滇士錄以專科風厲敦勸垂于五紀蓋
慶代煦育之澤前後餘二百年而

皇上居四之一又以二百年之積盡收用之窮厓
所產幽箐所藏母謂其匪南金東箭也旅庭充賦
登天府佐明堂蓋與鄒魯吳越之士相後先矣夫
陶唐老年比屋可封周王壽考兎耳好德必世之
效振古可考已

皇上仁壽作人遠軼百王士漸陶滋久鴻造所鎔
靡不鬯遂又奚䟽俗殊鄰之弗丕變哉頃者島夷
蠢動黠酋外構豺伏豕突震茲邊旅賴

上威靈揮戈旋定綏和之化斯足徵矣其故嘆
皇澤之彌洽也夫雲蒸而龍躍風激而鵬翀時所
邁然也士既荷

上休澤千載一時感會應期躍然興矣乃弗思授
軀以對恩遇匪夫也鹿鳴不云乎吹笙鼓簧承筐
是將示優崇也德音孔昭視民不忮宣章軌也人
之好我示我周行期報塞也茲士以言揚亞子大
夫之列行將充位備使亮工展采矣則夫植則儆
之槩陳周道之猷圖靖共之報稱工歌之音詎亦
徒以言焉已乎若曰資空文以媒利干進而躬輒

貶損棄之罔知所自効也是

上弗以逖遠視士而士顧以逖遠自待矣不亦有愧於賓興優崇之典矣乎為主司者得士如此將負

上任使誠為是懼是願多士之圖之也是舉也巡撫右都御史呂某宣猷奠邦敦教作則總鎮黔國公沐某綏土養士崇學右文若經畫于外則某某防範則某某先期入賀則某某上計則某某遷秩以代則某某皆祇事倡勤聿光盛典者也於法得書爰綴首簡

江西武舉錄後序

夫江右豈不巋然雄鎮哉。川嶽炳靈，人文甲方，寓其地不蜃海，俗不獠夷。詩書禮樂，家承戶喻。即文士母論，武弁世肄戎略，率博衣緩帶，持卮酒，侈篇翰，然弓馬之習稍衰落矣。頃屬閩廣嶮峒，嘯聚蠭起，彼窮魚軼獸耳，虔劉剽斂，信撫盱江之境，陵夷之漸繇然哉。

天子神武遠略，始重節鎮，閫鉞之命矣。是歲秋會大閱，武士諸職司肅將戒具，巡臺段公進諸司曰：文武等耳，郎星將營，象緯綦布，鷹揚虎賁，旂旒繡

錯獨文哉且閨寇倒戈脫劍情猶叵測是蜂蠆生
於懷袖而彭越門庭也辟之籠藥參歸苓朮非不
醇然平美斬關奪門別有劑料耳時且群試士諸
嚴防守明典制一視文制毋忽諸司曰唯唯又進
諸閱卷官曰

皇制弓馬論其技擊策論察其鈐韜顧策論綴屬
等耳韓淮陰發蹤幽賤衛將軍奮跡人奴豈曾搖
筆為文章其先弓馬後論策毋忽僉曰唯唯至之
日有司奉要束維謹於是千夫雲屯材官騶發轅
門森列乃其條陳文翰虜形目中將軍天下灼然

矩矱顧升雋多弓馬士崇實用也故事有譙譙且
草次導之市市人澹如也公命殷樂張綵幢牙茸
纛鼓鐃鐸之聲赫奕行路父老褰觀相顧其子姓
之魁岸自好者曰柰何不習武如子大夫乃武士
之雋咸揚吐有吞薄江河殪射天狼之勢矣會撫
臺胡公提師凱旋敵愾遂振諸司聽然賀曰率作
士氣巡臺公功哉於是江藩傳有武舉殊典公命
刻成錄屬曹左使序之初將鑄院衡適至自楚事
事藩守公輒命衡走役執事後已乃又屬申末簡
得而論叙曰夫武易言哉茲公申文武之章重弓

馬之制提示激發諸生洒然改觀躍然驤附矣復
何庸言顧嘗竊預北武闈則其人多燕趙慷慨風
烈之士虬鬚虎視蒙輪扛鼎連袂疊跡遺風猶存
於稽故府則云沈鷲多材力重許可田生荆卿專
要之倫往往有之顧地無常形人無定習如金之
鎔是在範者即姬媵可使市人可使矧南州士耶
今且震疊戎捷效可明睹已傳有之因雲灑潤則
芳澤流垂風載響則音徽遠諸生際公範鎔耀動
人倫不啻當許可矣夫弋鳥者矯其矢釣魚者理
其綸若獨不矢綸謀乎兵談容易耳兩軍猝接劍

戟交光呼吸存亡間不容隙技不精者北氣不銳者北算不多者北如彼弋釣鳥逝魚潛計已晚矣是故合氣渾體制兵在陣察變握機制陣在謀靜以幽正以治制謀在志願諸生先定其志宣尼有言匹夫不可奪志也夫可奪非志也田荆要離曾非中道沈族燔繁且母惜若輩志誠立如射之鵠如轡之馭即擴弩發機發有不剋矣異時備角節馳牙璋嫖姚抑情於治第武穆明檠於遺姝勛勅鍾彝威稜慕北比前所云歌酣易水之風氣震武安之瓦奚翅倍蓰過之哉諸生幸自樹愛母籍空

文獵采榮名則公所陶鑄仰副

明天子拊髀於是乎在

湖廣同年世講錄後序

是歲秋楚多士歌鹿鳴之明日輒造余謀敘年誼以敦世講爰請監察公敘首簡暨徵余言余讀監察公文既纚纚焉備矣因蹶然起曰嗟復何俟言哉夫余觀爾多士始抱藝而來也徵于鄉集于司學而就試于棘闈烝烝焉嚮風承德驥首附景莫不以後為羞也已乃拜書偕計將去之鄉而彙進于天子之庭亞子大夫之列矣顧傴僂逡巡若懼

弗任而退不敢先者何也。夫君子修其文則思其義，思其義則必舉而蹈於其躬，執其文而弗蹈其義，擯贊者之事也。君子弗然也，是舉也。爾多士則既修其文矣，亦思其義而蹈之躬乎？記曰：習射上功，習鄉上齒。夫鄉射皆黷序所有事也，同肄於元日而所上顧殊何也？古者選士以射，非射士無繇自見，無繇自見則士無以荅君親也，故射必期中，中斯為功也。惟上功故毋敢或後焉耳。多士徃徵于鄉而就于有司是也。既以功而趨矣，則不能無爭，將示之禮讓而惇德也，故又使同日肄于鄉而

長長必以齒惟上齒故母敢或先焉爾多士既錄
于有司賢賢矣而復叙年以敦誼是也昔宣尼蓋
觀于鄉而曰王道易易焉以其貴賤明隆殺辨和
樂而不流弟長而無遺安燕而不亂也而是舉實
兼有之諸士出而王道可興矣顧豈修其文而弗
蹈其義已耶誠使舉是母敢後之心而服官從王
或以德進或以事舉或以言揚率其職而各宣其
力則是忠蓋無已之忱也而世道不有賴耶苟舍
是而施諸進取亦無或後焉則得失以為患而所
操者下矣又使舉是母敢先之心而合志營道友

于鄉晉于國列于朝駢美翼時並立則樂相下不
厭則是師師相讓之實也而風教不有裨耶苟舍
是而措之事功亦無或先焉則翦茸以為謀而所
樹者卑矣爾多士思其義而蹈之躬舍是又焉所
圖乎詩曰不僭不賊鮮不為則爾多士將出而効
用以則人矣伐柯不遠余故取其義重為爾申之
若夫合孚締好久要于世固爾多士所冀勵自許
彼里巷徵逐結盟詡詡而見利解携白首按劍斯
鄉黨自好所羞余亦信爾多士之羞之也且監察
公業有言矣型範斯存余又何再焉

重修孔氏宗譜序

孔氏宗譜者宣尼之裔思衍其宗歷攷其世而編
焉者也先是宣尼五十七代孫孔子註永樂間由
明經科參知陝西因修譜于陝迄今若干歲註之
孫承富官于越富去宣尼蓋六十代懼世遠而宗
枝益蕃易湮亂其派也乃復修云夫宣尼之系爰
自黃帝神明之後載籍可稽也而宣尼之道抑又
駕軼百王窮荒遐陬靡不尊以信矣則何以托於
譜譜者仁人孝子所以永其宗以示令聞長世也
宗不明則雖有親親之心無以表見者昔宣尼蓋

嘆杞宋之無徵文獻不足也矧其孫子嗣其志而
永前聞者乎嘗讀左氏春秋之季衛有孔達陳有
孔寧鄭有子孔皆與宣尼氏同而族異千百載而
降世益滋久非譜將何以別族氏然則叅知公及
吾郡佐公之意懿哉微矣抑經有曰毋念爾祖聿
修厥德又曰貽厥孫謀以燕翼世郡佐公何以紹
爾祖燕翼其世哉厥有淑謀矣郡佐公居越四年
越郡人稱其無媿乃世子四人弘光弘哲弘
夙有敏識行將熾而昌云

孫氏文獻集敘

孫氏世居休陽其人多慕賢而嗜義疆善而樂施者比余卒業龍山有名春時者與余游咲談樽俎夷猶林石超然塵區之表余嘗嘉之曰有是哉江湖之逸流也意其間必有騷墨之士與之往來清修之賢父兄為之漸磨也而道遠地阻莫之能致矣乃庚戌秋余服闋上天曹經錢塘始得與春時之伯用光父用述傾盖西湖之上與之攀蒙茸陟崇阿吊和靜之故宅步蘇氏之長堤犯濤弄月長吟劇飲莫之倦也乃知春時之賢良有所自昔之所謂慕賢嗜義疆善樂施余始躬見之矣既而出

所藏家集若干卷持以進曰此余父公永所集也
曰此余兄弟洪秀所集也世重而守之自謂握靈
蛇之珠抱荆山之璧矣余取而覽焉爛然詩詞
賦聯之篇章長短畢備皆一時吳越藻墨之士所
與題詠益知孫氏之所往來夷猶咸海內譽髦之
流而其慕賢嗜義彊善樂施不能無所自也昔太
史公謂閭巷之流非附青雲之士不能施芳名於
後世然則孫氏所以永前聞揚世德者賴有此編
在矣非一家之文獻矣哉泯而無傳非所謂慕賢
而嗜義也已用光用述請敘首簡以章文獻之遺

皇輿考序

聖代肇運全撫輿圖一統之盛光軼前古載諸通志者章章備矣若夫辨形勢以明地險陳憂患以達民艱審經畫以悉時宜時則若有俟焉蓋道有升降政有損益經世者慎圖之也我

皇上訏謨保大駿業中興創紹之隆適光

二祖頃年輔臣文襄桂公輿地圖志宮諭念菴羅公廣輿圖及司馬許公九邊論於是三者獨詳詞約而事該憂深而思遠今日修和阜成衍泰居豐之道間亦采行之矣復嘗備員職方遐覽區域

竊謂全志之後當附諸公之帙乃表經世謀猷輒
惟制書不當綴裂也因取閩本志略稍加詳定
首引杜氏古九州之文然後次序郡國圖志參據
前說各冠篇端而邊夷終焉夫志略雖簡亦足見
區域之大都而諸家著述又能明

國體綜世務而時張理之則夫治平脩攘之謀固
瞭然視諸掌矣輯成因僭名之曰皇輿考間質問
志或曰當刻于梓備通方之士覽而采之

刻越詠序

吾越多佳山水環郡邑盡佳境也其間清敞幽奇

靈秘之藏卓行之躅列在方輿足稱勝覽東晉以
下風雅之士往往携其家家焉文翰流芳遂為藝
苑至于宦遊歡暢羈旅窮愁仙釋名流寄幻託跡
應接之頃各以佳句酬之故墨卿騷人即非越產
其詩題多越中景也宋元逮今詠者益蔓繁散在
各集郡無完志竟未有輯錄之者吾邑王隱君埜
真翁詩人也嘉靖間嘗裒古今詠越之詩總一帙
目為紹興名勝題詠隱君山林枯槁家無藏書力
又不能致他氏載籍以是輯錄甚勤僅故牘之所
睹記耳復與友蕭君勉汝行柳君文載道議曰是

未可傳也當更輯而備錄之成其意乃相與博綜
載籍采詩之作于越者增初之三又蒐近集薦紳
家手抄者廣之在古幾備于今猶恐遺尚將博詢
鄉老徐入之姑藏以俟時戊申歲郡憲繼津王君
嘗歆刻之未果也踰十年戊午復携之適楚慮又
散逸遂謀刻之或曰集中詩其體格聲律世不相
及也子比而輯之異工而各曲矣不貽詩家之誚
乎且又安知其槩可訓也復曰茲集也豈詩之選
而掇其英華哉備志之缺存郡之故使人誦典而
興思已爾故誦神禹之化則勤儉之思萌誦勾踐

之謀則憂勞之思作誦靈淑之所鍾則思母辱于山川誦倫紀之攸建則思母忝于先哲其諸登臨懷吊之作遯棲敘述之詞誦而能思皆可以豁塵襟而振古調也風之繫為訓媿矣奚論于工拙耶因重校定捐俸刻焉凡十二卷名越詠寄歸二君俾傳之郡人云

山陰志敘

夫自禹裔絕封秦皇肇制列縣稱名張官置理分合代更群職聯敘志為邑而作也故首以建置建置之經邦土畫封畛疆域奠而勢守分矣疆域定

于山川扶輿孕靈物饒風燄民生蕃滋故列物產
述風俗紀民賦焉測土度宜辨方興利而后下供
不匱故次之以水利利得而民咸又能又民而后
能享神故次之以祠祀神人諧而上下和然后民
心孚洽而禮義可措故次之以學校三者皆擾民
而教之之具也教養備舉賢材興矣乃有選舉教
養典于官師列其名而賢否之迹可攷也績效隆
著曰惟循吏繹思不忘焉乃述宦績名流寄跡鄉
邦永傳遺風隱澤令德燁然寓賢不敢遺也越故
多賢之國而人文與時宣昭學術事功風標節誼

揚其令芳各以類著人物不敢不詳也百家殊方
趨尚異旨藝成術攻詎可無紀列而外之別異流
示兼取也事異法殊體當博備歸之雜志紀載之
末例也和斯致祥乖乃兆鑿占天布政民獲攸堅
司土者不可不知也故紀雜志而以災祥終焉

楚省志敘

書既成會遷江藩不果刻

楚省志者志楚也夫楚熊繹之故封而今方嶽之
所司也志楚何以首帝跡三五遠而王澤流光嶽
凝而

聖人作由今溯往恢張鴻業靈秘之所繇闡也是

故志楚而先帝跡崇

皇烈也次孔轍君師比隆也繼之以藩國王封重
屏翰尊王紀也又繼之以會省而列秩官書其實
也輪域奠而分疆置吏封守別矣風土者上所以
采下下所以貢上專城者之所事守也是故風土
次會省而豐瘠淳漓起廢之致詳矣理邦域者莫
良於善吏守令者風土之所繫也人材者風土之
所繇也是故次守令次宦蹟次選舉次人物而吏
治人文一方之美惡著矣司經國者必先大計楚
澤國也中原上游地逼勢危兵強財富古所擅稱

而今殊絕矣是故險要水利徭賦屯伍貫詞綜事
備書而不殺防幾微順天時達民隱也若是備矣
而復為雜志者何曰法得書而流例之所不能談
也據以是終焉稽疑述異俟有考也

地理括要後序

堪輿之學不見稱於學士大夫豈以其無聞於孔
氏之門耶於戲斯亦信耳目之過矣夫名區大都
山盤川瀕靈氣蔚鍾則齒族蕃而人文斯萃窮陬
僻壤斯荒落無聞焉蓋顯著已至於宅居兆域也
奚獨不然顧以其卜擇之法不睹於六經遂廢而

不談何也近世程朱蔡吳諸君子始賞鑒其旨而傳繹其著述於是堪輿家之說若郭氏莖經廖氏懷玉曾氏至寶經之屬前後漸顯稍稍重於世嘻彼寧無所取爾耶江右故多專業蓋繇曾楊劉譚諸名流煽其風也遺之當代淵源漸遐偏門瞽師私植門軌交相沿習以自神其術而蠱當世若羅經之屬鄙媒謏陋寢失其宗斯釋氏所稱下乘者已無惑乎學士大夫左其說而不談也余居京師每接衽儀部公聶君其稱堪輿家言鑿鑿有徵因而詢所從必曰吾師云吾師云問其人則虔州李

經綸也余故識李君名然不獲一睹其人今讀其
疏註懷王諸經其詞核其理勝博綜群流貫穿百
氏上下千百言一歸于陰陽聚散生死而根究六
經二氣相乘至理於天星卦例及一切符應禍福
率置而不言於戲斯可謂夙悟神解矣非堪輿家
之上乘耶將不特可以羽翼曾楊景純諸賢亦卒
有所寄托以延其不傳者矣異時學士大夫賞鑒
而宗慕之抑不自儀部公倡耶

刻四書正傳選義引

國朝取士之制去古雖遠要於孔氏之科為近也

其所定時義將以羽翼六經而黜百家是以專主
宋儒之論而典要歸於說理夫說理者屏浮夸絕
綺麗與詞賦之習異士之肄之者探蘊奧約指趣
隲括以程度而敷暢之故意精而詞粹氣融而格
嚴者世以為雅馴而獨稱正傳置科以來海內得
與正傳僅數家耳比歲余奉命典學楚中每進學
官弟子于庭校其藝而上下之楚故多材瑰奇雄
灝咸得于父兄師友之所漸乃其氣格詞意間背
於桀桀者不少也余時舉數家之文所至申論取
舍令庶幾知所裁焉或以余文請余謝未逮且曰

盍求之哲匠之槩槩乎乃以余九厓氏刻于滇中者稍刪校之以授諸弟子名曰正傳選義而謂之曰舍是無以遵

王制而羽翼經傳將詭于孔氏之科也已余年友武昌守張君素好士敦教謂諸弟子購文之難請刻之頒于庠序俾人人卒業焉

重刻近思錄引

性理之學有宋周程張四先生濬其源朱文公大其涯而呂成公張宣公與有疏距之勞焉餘則支流之漫溢也夫以四先生之蘊奧而朱呂二公之

附綴緝窮源探本引類舉要其弗載者必在所可
畧者矣故近思錄為性理完書無疑也我

明先正如薛文清公洎康齋諸君子咸用是書為
居敬窮理之資其散見于語錄者可考也尊信之
意蓋惓惓焉復叨典學湖南仰惟先正之訓在所
至與諸生講業試問近思之目或不能舉嗟乎高
之而玄虛卑之而蕪陋沿習咸失其中矣司教者
豈不與有責哉楚故有澧州本取閱之則周氏所
分類竄以已意而先賢舊編割裂支離源委漸蝕
矣爰以篋中原本屬武昌司學廖子恕重加校訂

鳩工梓之頒于庠序嗟乎使諸生能尊信而興起
焉豈惟口耳之間已乎或曰
欽降大全之籍備矣曰是錄也約而該典而粹求
言必自近始

東山耕讀圖敘

東漢龐德公躬耕隴畝以自給曰人皆遺之以危
我獨遺之以安南唐柳彥緒以書史淑子弟曰遺
其財也不如一經二公之言遵約守素宜非后世
龐俗所崇尚而乃垂諸信史千百年誦之不衰為
貽謀燕翼計者咸曰耕讀耕讀者蓋二公之餘

教也余生也晚退耕力有不任讀經性所彌拙不能無愧於斯言然聞此於父兄長者稔矣何敢不自礱厲也茲歲庚戌余婦翁東山先生年踰五十而二子某某一能勤力自樹一方岐嶷嚮學余爰奉觴為壽二子侍翁頤謂余曰吾幸無忝於創承願無以為教若曹者夫乃命之耕乎命之讀乎余因述龐柳二公之言以告而又以翁之訓諄厲于二君子之前蓋丈夫之生每患無以樹立能樹立矣又患無以顯揚二者或係於天不可必得而箕裘之業桑弧之志則皆男子之所有事也二君

子可不懋與粵自聖世四民各有定藝而業不遷
是以農力於耕士力於讀因分以致其力因職以
脩其業有專功有定趣迄能有成不若後世之馳
騫紛然也二君子承翁之訓既有所受之矣孟必
曰勤我樹藝播時百穀以裕我粒食母煩大人怠
惰之慮季又必曰究我典謨玩心六籍以蜚聲藝
林用副我大人昌大之望信如是則翁之志得矣
他日德業既懋建立炳琅昌于而家華于而國俾
鄉邦人稱之曰真顯揚子也則翁之訓行矣二君
子可不勉與翁少失母零丁艱苦刻自樹立用能

昌大前業每述其勤難之狀以勉最鄙劣余雖不肖未嘗不為之奮激龐柳二公之訓翁益佩服而躬蹈之者今雖老於林石尤以書史自娛而惓惓以燕貽子姓者乃如此也翁居之東為叢山有墅海濱東亦有帛山因號東山余因繪圖曰東山耕讀蓋壽翁亦識翁志所嚮也

海嶽奇觀圖敘

余憂居隕迷既踰再稔風木興懷三徑蕪廢詎知宇宙空曠山川遐廓靡有不容耶暇日嘗過桂坡子之廬少憇焉因出所繪圖示余圖中繪海內名

山川凡十二景曰泰山曰華山曰齊山曰會稽山
曰武夷山曰巫山曰金山曰天台山曰虎丘山曰
西湖曰洞庭曰赤壁又曰會稽之名山川曰雲門
曰鑑湖曰蘭亭曰若耶曰禹陵曰子陵臺曰陽明
洞天曰卧龍越望亭總二十景各摹其形勝巖岫
峴嶽峯巒萃林磴蒼鬱烟雲變幻咸曲盡于尺
素幅練之中上復綴以古人名作詞賦詩歌長短
畢備墨圖而金書之衡縮不盈半尺許而海嶽之
奇勝於是焉畧備矣余覽而嘆曰有是哉有是哉
子真不為窺觀志在四方者也昔司馬子長居龍

門而欲縱觀八埏以達其思於是闕九疑浮沅湘
探禹穴登虎丘游江淮之津陟齊魯之郊然後返
而述文興業撰造一家之言故其文閎肆百世罕
匹然而遍歷四疆轍迹所窮亦既勞矣至於窮幽
抉竒不出戶庭而海嶽之萬狀目睫無遺未若吾
子之便而竒也旦夕展玩之將見蜿蜒迤邐奔騰
澎湃洶怪變幻一覽無際譬之登隋侯之堂入和
氏之室明瑤美璧隨人所取而未盡藏也豈非望
洋興思仰高企止者之一助耶夫天地化產百物
五穀而其琦瑋精淑靈秘之氣輒萃於山川海嶽

得其琦瑋清淑與其蜿蜒迤邐奔騰澎湃洶怪變幻之狀而發之文章事業當必有炳琅雋偉高出乎宇宙者矣吾子涵叔度之弘波抱子長之逸思其為是卷從而取之者何如耶桂坡子咲而不言余覽之而憂抱頗豁也遂題其端曰海嶽奇觀云

楊侯復山平稅序

當荆公知鄆時嘗小試其青苗法人便之及為相舉而措之天下天下廣大非邑比不得不寄其務于人人固不能皆公心也公又峻而少通以故卒無成功至為玩蠱不任事者所藉口然考其當熙

寧時業籍散亡而徵歛苛繁則方田均稅之舉恐令周公復生終不得而廢也

明興籍山陰田為畝億者五萬者八千者二百者四且奇山比于田三倍于億而田之則多至百有十六稅輕重視其則山無則稅止視其畝初籍甚核也久之守業者轉相析貿每更籍緣里胥為奸令田互其則詭其稅以利黠者而病愚氓甚或沒其賦令盡利黠者山無則亦令互其畝數以利黠者而病愚氓甚或沒其數令盡利黠者至于今計二百年籍屢更機詐益百出計所沒田之畝為千

者四百者九且奇稅視之沒山之畝為億者三萬者二千者七者六百者六且奇視田倍蓰過之莫可為詰而弊極矣嘉靖癸亥泰興何侯璿始履畝簡則以括稅遂核黠者所沒田令盡復故額稅視之民稱便閱數年倭奴犯海徼兵興饒急田若山盡權饒運海上給戎士田有秋輒辦山瘠而虛賦者多民嗷嗷不聊生吏亦鰓鰓懼嘉靖乙丑江寧楊侯某由進士出令山陰瞿然曰司土者不當分其隱耶遂采群議排其阻者毋避寒暄遍歷山數核黠者所沒今盡復故額饒如其數省舊十之五頌聲

視何為甚乃山所核復故數中尚缺千九百有奇
又核民所新墾地若田當其數遂取以補山饒於
是海上饒給而民不救于供權然田山既核稅數
煩多掌稅入者弊蝟集吏亦不能詰愚氓歲患苦
之楊侯又取宋人鼠尾輸折法名一條鞭逐歲標
示令民守數以輸納雖童稚入縣掌稅入者莫或
欺焉衆訝之曰茲非何侯履畝時所遺及括稅所
不及耶相與歌曰汲汲何叟均我稅畝稅畝既均
以嬉以耘劬劬楊侯履山及疇惠百何叟氓嬉以
遊嗚呼侯奚翅禪何侯禪于民者弘矣邑其永有

攸暨哉夫履山與方田何異立條鞭亦均稅意也
此蓋周公所不能廢介甫于熙寧者今侯行之邑
民亦既便之若介甫之知鄞矣矧侯通練而少峻
有介甫之長而無其短異時大用舉營邑者而措
之天下天下當益稱便亦如其邑即今玩蠱不任
事者欲舉以藉口得耶侯既布是法于官懼其泯
乃成書命以序故余為志其大者其諸核法悉侯
移中若龍溪先生所撰著

刻紀瑞錄序

祥符楊公一中先生以隆慶戊辰甲榜高第令會

稽仁愛薦誠夙秉至性而剴裁之以明斷初視縣庭有滯牒更數令不能決公曰得無為剛者吐耶立剖其寃民大驚異久之有縫掖繫園中論且數年宜死公庶其情不當法也嘆曰此不與古酈炎事類耶竟與平反民又大驚異三年令甲編圖公曰凡民疾苦莫大於是乃定九則均役即老胥猾莫能逞民益感異頌聲大作諸類是者種種不可更僕數於是醞釀人和召致物瑞解宇之左清遠樓嘉瓜疊生上自薦紳之彥下逮遐谷編髮凡有知識能吐言者莫不命詞宣志以頌侯懿計登

奚翅之人奚翅千百於漁陽而彙其什又奚翅
之也諸德侯而不能言者謀刺之以編以
子居山陰初陽山人張天復業已卒簡客取而讀
之斐然曰是集之瑞與漁陽等也而頌之者漁陽
何少會稽何多耶且漁陽止謠耳而會稽又何煩
於太耶張子曰固哉客之評是集也獨不聞風詩
上言惟寸簡而後世謳謠遍里巷太史氏采之柰
何其繁也遂左之不錄耶古者簡帙繁且重而
唐宋之後史與詩率就於梓然則又何以梓為靡
而簡帙為古遂必返其昔耶若是則漁陽頌麥之

少與今頌瓜之多及謠之藺而頌之梓木者之煩
也不可識耶客曰敬聞命矣於是卒付雕工凡若
于卷總公移及詩歌賦頌彙錄中未及錄者鐫其
名以備風采蓋要歸於紀瑞而妍拙毋論也

倡義錄敘

王處士真翁隱居邑之卧龍山下甘貧薦行不求
人知然詩名籍籍江湖間達官貴人有事於越咸
造其廬翁方敖然自適每自以操行比呂微之詩
詞擬孟東野時人又以其無子而超脫塵世方諸
林和靖然和靖妻梅子鶴幾廢人道翁實不倫乃

其居身嚴苦詞格清婉即所自擬蓋庶幾焉嘉靖
初門人以其詩集詩話及所著百一別詩刻而傳
之矣迄今踰二十年翁年八十一骭體白髮猶課
授童子以自給或遺之粟翁又拒不內遇不得食
甌釜屢塵人詢其故翁曰非吾力所致詎甘食之
聞者益壯其節而宗慕焉於是門人王子政王子
川王周子夢徵王子大學寄言于其友泉州節推
羅子椿曰吾師少厲高行晦迹丘壑老益不衰終
窶且貧卒不免於饑寒吾二三一之罪也竊意師
所嘗却皆他人粟耳夫寧不食吾二三子之粟乎

且歲計其所需甚易稱子方食祿吾儕行有竊食之望願相約束月遺粟帛芻肉以備朝夕歲率以為常俾

聖世之民無凍餒之老可乎羅子方未報諸君子又約為籍偕其同門而請于鄉之薦紳錢子八山首叙之翼倡翼以率衆也復聞而喟然曰懿哉是舉余懷之久矣顧不敢累翁之猶耳古有言曰桃李不言下自成蹊諸君好德之忱發於衷性翁無與也翼不可然竊有望焉昔戴安道居剡川蓬戶不蔽內史鄒超為辨百萬資宅其居朱百年居若

耶樵箬不給太守蔡興宗餉米百斛夫古之良有司崇禮幽逸類如此今

天子聿隆古道尊尚齒德存恤藪澤之老德意每形於詔旨令有司以時勞問賢序賓燕歲降粟帛矧翁邦之遺老清行足為儒模聲詩可裨風雅其羽儀世教何切耶一時賢牧幸而在位協謨奉揚上德且有懋烈如翁獨無情乎諸君試舉於下邳蔡雅致安知不復睹於今日也敢僭言以俟

皆山堂稿敘

鳴玉堂稿卷之一尾